



Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Raport Konsultativ për të Hyrat e Lejuara Maksimale në kuadër të PRR3

Shqyrtimi Periodik për OST/OT

Periudha e Tretë Rregullative (2023-2027)

DEKLARATË

Ky Raport Konsultativ është përgatitur nga ZRRE me qëllim të konsultimit të palëve të interesit për propozimin e ZRRE për të Hyrat e Lejuara Maksimale . Raporti nuk paraqet vendim të ZRRE-së dhe nuk duhet të konsiderohet si i tillë

16 shkurt 2023



Përmbajtja

1	Hyrje	3
2	Shqyrtimet Periodike dhe përshtatjet vjetore	5
3	Përmbledhje e procesit të Shqyrtimit Periodik	6
3.1	Jetëgjatësia e Aseteve.....	6
3.2	Mesatarja e ponderuar e kostos së kapitalit (WACC)	7
3.3	Humbjet e lejuara	7
3.4	Faktori i Efikasitetit	8
4	Baza e Aseteve të Rregulluara (RAB) dhe Plani Investiv	8
4.1	Parimet e bashkërenditjes së vlerës së RAB	9
4.2	RAB fillestar në periudhën e kaluar rregullative (PRR2)	10
4.3	Përditësimi i RAB për periudhën e kaluar rregullative (PRR2).....	11
4.4	Plani investiv për periudhën e ardhshme rregullative (PRR3)	11
4.5	RAB përfundimtar për periudhën e ardhshme rregullative.....	13
5	Shpenzimet Operative dhe të Mirëmbajtjes.....	13
6	Humbjet, Shërbimet Ndhmëse dhe të Hyrat e Parregulluara.....	15
6.1	Kostoja e humbjeve të energjisë.....	15
6.2	Kosto e shërbimeve ndihmëse.....	15
6.3	Të hyrat e parregulluara	16
7	Përshtatja vjetore të kostove dhe të hyrave.....	16
7.1	Indeksi me normën e inflacionit	17
7.2	Përshtatja e kostove të humbjeve	17
7.3	Të hyrat e parregulluara	17
7.4	Shërbimet ndihmëse	18
7.5	Kostot e Anëtarësimit në Organizata ndërkombëtare dhe OPEX për Vallaq.....	18
7.6	Faktori korrigjues i të hyrave KREV	18
8	Të Hyrat e Lejuara Maksimale (HLM) duke përfshirë përshtatjet rregullative	19
8.1	Përmbledhje e HLM sipas entiteteve.....	20
	Tabela 18 Përmbledhje e HLM sipas entiteteve të OST/OT.....	20
Shtojca 1:	Përshtatjet për investimet kapitale në PRR2	22



1 Hyrje

Zyra e Rregullatorit për Energji (ZRRE) është në procesin e Shqyrtimit Periodik për Periudhën e Tretë Rregullative (PRR 3), e cila përfshinë përcaktimin e të Hyrave të Lejuara Maksimale (HLM) për periudhën 2023-2027. Shqyrtimi Periodik do të përcaktojë të Hyrat e Lejuara Maksimale për Operatorin e Sistemit, të Transmisionit dhe Tregut (OST/OT-KOSTT sh.a) dhe Operatorin e Sistemit të Shpërndarjes (OSSH-KEDS sh.a).

Ky Raport Konsultativ ofron propozimet e ZRRE-së për HLM që pasqyron kostot e parashikuara për vitet kalendarike 2023-2027. Të Hyrat e Lejuara Maksimale të miratuara do të përcaktojnë tarifën për shfrytëzimin e rrjetit që aplikohen për vit relevant tarifor (1 prill-31 mars 2023).

Ky Raport Konsultativ ofron propozimet e ZRRE-së për HLM që do të mbulohen nga OST/OT gjatë periudhës së tretë rregullative PRR3. Të Hyrat e Lejuara Maksimale të miratuara do të përcaktojnë tarifën për Shfrytëzimin e Sistemit të Transmisionit të cilat do të ju ngarkohen shfrytëzuesve të Sistemit të Transmisionit. Kostot që rezultojnë nga shfrytëzimi i Sistemit të Transmisionit do të përfshihen në tarifën e konsumatorëve fundor të energjisë elektrike. Raporti është strukturuar si vijon:

- Kapitulli 2 përmbledhë qëllimin e shqyrtimit periodik dhe dallimit në mes të tij dhe përshtatjeve vjetore;
- Kapitulli 3 shqyrton përmbledhjen e procesit të shqyrtimit periodik
- Kapitulli 4 shqyrton bazën e rregulluar të asetëve dhe planin investiv për periudhën e ardhshme rregullative;
- Kapitulli 5 shqyrton shpenzimet operative dhe të mirëmbajtjes për periudhën e ardhshme rregullative;
- Kapitulli 6 shqyrton kostot e humbjeve, kostot e shërbimeve ndihmëse dhe të hyrat e parregulluara;
- Kapitulli 7 paraqet llogaritjet e ZRRE-së për përshtatjen e rregullt vjetore; dhe,
- Kapitulli 8 përmbledhë HLM për periudhën e ardhshme rregullative.

Komentet e palëve të interesit

Konsultimi me palë të interesit është qenësorë në përpilimin e politikave të qëndrueshme rregullative. ZRRE fton konsumatorët, shoqërinë civile, kompanitë e rregulluara dhe palët e tjera të interesit të shqyrtojnë të dhënat dhe qëndrimet e ZRRE-së të ofruara në këtë Raport, me të cilat ata mund të mos pajtohen, dhe t'i komentojnë ato duke u bazuar në fakte, duke ofruar kundër-argumente apo duke ofruar të dhëna të reja të cilat ZRRE mund të mos i ketë pasur parasysh. Komentet për këtë Raport Konsultativ mund të dorëzohen në formë elektronike përmes e-mailit në ero.pricing-tariffs@ero-ks.org ose të dorëzohen në formë të shtypur në adresën e mëposhtme:

Zyra e Rregullatorit për Energji
Departamenti për Tarifa dhe çmime



Rr. Bekim Fehmiu (ish Ndërtesa e Fazitës kati 2, 10000 Prishtinë, Kosovë
Prishtinë, 10000, Kosovë

Data e fundit për komente është 3 mars 2023.

Pas shqyrtimit të komenteve të pranuar, ZRRE-ja do të publikojë Raportin Final së bashku me përgjigjet ndaj komenteve. Komentet e pranuar për këtë Raport Konsultativ do të publikohen së bashku me Raportin Final.

Dokumente relevante

Titulli i dokumentit	Vegëza
Ligji Nr. 05/L-084 për Rregullatorin e Energjisë	https://www.ero-ks.org/zrre/sites/default/files/Legjislacioni/Ligjet/LIGJI_PER_RR_EGULLATORIN_E_ENERGJISE.pdf
Rregulla për të Hyrat e Lejuara Maksimale për Operatorin e Sistemit të Transmisionit dhe Tregut	http://ero-ks.org/2017/Rregullat/Rregulla%20per%20te%20Hytrat%20e%20OST_OT.pdf
Shkresa iniciuese e shqyrtimit periodik	https://www.ero-ks.org/zrre/sites/default/files/Konsultimet%20Publike/Tarifat%20Ngrohje%20Qendrore/Dokument%20inicies_Shqyrtimi%20Periodik%20i%20OST-OT%20dhe%20OSSH%20(00000003).pdf
Raporti përfundimtar për përcaktimin e Vlerave Hyrëse – Mesatarja e Ponderuar e Kostos së Kapitalit (WACC)	https://www.ero-ks.org/zrre/sites/default/files/Publikimet/Pjesemarresit%20ne%20Treg/Furnizim/Raport%20perfundimtar_Pergjigje%20ndaj%20raportit%20konsultativ%20per%20WACC.pdf
V_1634_2022 - Mesatarja e Ponderuar e Kostos së Kapitalit (MPKK) për OST/OT dhe OSSH për Periudhën e Tretë Rregullative (PRR3)	https://www.ero-ks.org/zrre/sites/default/files/Publikimet/Vendimet/Vendimet%202022/V_1634_2022.pdf
Raporti përfundimtar për përcaktimin e Vlerave Hyrëse – Niveli i Humbjeve në Rrjet	https://www.ero-ks.org/zrre/sites/default/files/Publikimet/Pjesemarresit%20ne%20Treg/Furnizim/Raport%20perfundimtar_pergjigje%20ndaj%20komenteve_%20per%20humbje.pdf
Vendimi V_1636_2022 Caku i reduktimit të humbjeve dhe lakorja e humbjeve të lejuara në PRR3 për rrjetin e transmetimit dhe rrjetin e shpërndarjes PRR3	https://www.ero-ks.org/zrre/sites/default/files/Publikimet/Vendimet/Vendimet%202022/V_1636_2022.pdf
Raporti përfundimtar për përcaktimin e Vlerave Hyrëse – Faktori i Efikasitetit	https://www.ero-ks.org/zrre/sites/default/files/Publikimet/Pjesemarresit%20ne%20Treg/Furnizim/Raport%20perfundimtar_fakori%20i%20efikasiteti_pergjigje%20ndaj%20komenteve.pdf
V_1635_2022 - Faktori i Efikasitetit për OST/OT dhe OSSH për PRR3	V_1635_2022.pdf (ero-ks.org)
Plani preliminar pesëvjeçar investues i transmisionit	https://www.ero-ks.org/zrre/sites/default/files/Publikimet/P%20C3%ABr%20Ne/Plani%20i%20P%20C3%ABrformanc%20C3%ABs/220404_KOSTT_Plani%20Preliminar%20Pes%20C3%ABvje%20C3%A7ar%20Investues%202023-2027_P%20C3%ABr%20Publikim.pdf




2 Shqyrtimet Periodike dhe përshtatjet vjetore

Ligji për Rregullatorin e Energjisë përcakton kornizën themelore rregullative dhe parimet që duhet ndjekur gjatë përcaktimit të të Hyrave të Lejuara Maksimale (MAR) të operatorëve të rregulluar. Ligji përcakton që të Hyrat e Lejuara Maksimale Të Lejuara duhet të jenë të mjaftueshme për të mbuluar kostot e arsyeshme të sistemit dhe tarifat e rregulluara duhet të vendosen në nivel që mbulojnë koston e sistemit.

Rregulla për përcaktimin e të Hyrave të Lejuara Maksimale të Operatorit të Sistemit, Transmisionit dhe Tregut transpozon kërkesat e legjislacionit primar dhe vendosë bazën për rregullim shumë-vjeçar të tarifave. Sipas kësaj Rregulle, komponentët kryesorë të MAR përcaktohen gjatë Shqyrtimeve Periodike dhe nuk ndryshojnë përgjatë periudhës tarifore shumë-vjeçare (të ashtuquajturës Periudhë Rregullative) që në Kosovë është caktuar të jetë pesë vite. Këto mund të jenë komponentët e kostove që lidhen me koston e zhvlerësimit, kthimit të lejuar në investime dhe shpenzimeve operative dhe të mirëmbajtjes. Krahas këtyre komponentëve, dhe në interes të rritjes së parashikueshmërisë së HLM dhe qëndrueshmërisë financiare të sektorit, ZRRE përcakton parametrat kryesor rregullativ si mesataren e ponderuar të kostos së kapitalit, nivelin e lejuar të humbjeve dhe nivelin e faktorit të efikasitetit që aplikohet në shpenzimet operative. Konsultimi për Parametrat Rregullativ tashmë është përfunduar dhe propozimet e ZRRE-së janë të publikuara në faqen e elektronike të saj.

Figura 1 Shqyrtimet Periodike dhe Përshtatjet e Rregullta në kuadër të sistemit shumë-vjeçar tarifor




Përmes kornizës shumë-vjeçare tarifore ZRRE synon të mirëmbajë parashikueshmërinë e kostove të sistemit dhe të mirëmbajë çmime të qëndrueshme dhe të parashikueshme për konsumatorët. Në të njëjtën kohë, ZRRE ka marrë parasysh se disa faktorë të kostove - si kostoja e blerjes së energjisë për mbulimin e humbjeve, vëllimi i humbjeve apo inflacioni - mund të variojnë përtej parashikimeve pesë-vjeçare. Për këtë arsye, të hyrat e lejuara maksimale të lejuara përshtaten çdo vit gjatë procesit të Përshtatjeve Vjetore për të bashkënduar ndryshimet në mes të vlerave të parashikuara dhe atyre të realizuara të këtyre kostove. Përshtatja vjetore për vitin e fundit tarifor të periudhës së kaluar rregullative (HLM2) është dhënë në kapitullin 7 të këtij raporti.



3 Përmbledhje e procesit të Shqyrtimit Periodik

Procesi i shqyrtimit periodik ka filluar në maj të vitit 2022 dhe tashmë është në nivel të avancuar. ZRRE ka aprovuar vlerat e Parametrave Rregullativ që janë vlera hyrëse në përcaktimin e komponentëve kryesor të të Hyrave të Lejuara Maksimale.

Figura 2 Procesi i shqyrtimit periodik



Propozimet dhe vendimet e ZRRE për parametrat rregullativ, komentet e palëve të interesit dhe përgjigjet e ZRRE ndaj tyre janë të publikuara në faqen elektronike të ZRRE-së. Një përmbledhje e vlerave të vendosura është dhënë në nën-kapitujt 3.1-3.4, më poshtë.

3.1 Jetëgjatësia e Aseteve

Jetëgjatësia e Aseteve është një nga parametrat hyrës që duhet të përcaktohet nga ZRRE gjatë shqyrtimeve periodike. Jetëgjatësia e Aseteve është parametër i rëndësishëm rregullativ pasi që përcakton kohën përgjatë të cilës asetet e investuara nga kompania duhet të mbulohen nga tarifat për të zëvendësuar asetin pas zhvlerësimit teknik të tij.

ZRRE ka vendosur kategoritë e asetëve dhe jetëgjatësinë e tyre gjatë shqyrtimit të kaluar periodik (PRR2) dhe nuk e konsideron të nevojshme ndryshimin e tyre. Një përmbledhje e kategorive të asetëve të përcaktuara është dhënë në tabelën në vijim:



Tabela 1 Kategoritë e asetëve dhe jetëgjatësia e tyre

Nr.	Kategoritë e Aseteve	Jetëgjatësia
I	Ndërtesat, rrugët, rrjetet e kanalizimeve, furnizimi me ujë, pusët, ashensorët	50
II	Rrjeti i TL, shtyllat	40
III	Rrjeti i tensionit të ulët, nënstationet, transformatorët, etj.	30
IV	Kamionët, korpat dhe makineritë për punë	10
V	Kontrolli dhe Telekomunikimi, pajisje të ndryshme, mbrojtja nga zjarri	8
VI	Mobilet, pajisjet për zyrë	7
VII	Pajisjet e TI, softuerë, patente, licenca, vetura, etj.	5

3.2 Mesatarja e ponderuar e kostos së kapitalit (WACC)

Mesatarja e ponderuar e kostos së kapitalit (WACC) paraqet përqindjen e kthimit që operatorët e rregulluar duhet të përfitojnë për t'u kompensuar për riskun që marrin duke investuar në asete të rregulluara infrastrukturore.

WACC i aprovuar për periudhën e tretë rregulative është përmbledhur në vijim:

Tabela 2 WACC-u i përcaktuar për PRR3 për OST/OT (KOSTT) dhe OSSH (KEDS)

Parametri	PRR 2	PRR3
Norma reale pa risk	3.70%	3.65%
Primi i borxhit	3.50%	2.09%
Kostoja reale e borxhit	7.20%	5.74%
Norma e tatimit	10%	10%
Ekuiteti beta	1	0.88
ERP	4.50%	5.04%
Kostoja e kapitalit neto, reale para tatimit	9.10%	8.98%
Kapitali i brendshëm (Leverazhi)	40%	40%
WACC, reale para tatimit	8.30%	7.69%

3.3 Humbjet e lejuara

Humbjet e Lejuara konsistojnë në përqindjen e lejuar të humbjeve në rrjet që mund të mbulohen përmes të Hyrave të Lejuara Maksimale. ZRRE ka përcaktuar që niveli i humbjeve të lejuara për PRR3



për OST të jetë 1.75%. Ky propozim bazohet në trendin e humbjeve të realizuara në vitet e fundit 2019, 2020 dhe 2021, si dhe paraqet një stimulim që OST të vazhdojë të operojë në nivel efikas të humbjeve.

Niveli i lejuar i humbjeve për operatorët e rregulluar është përmbledhur në tabelën në vijim.

Tabela 3 Humbjet e lejuara në rrjete për periudhën e tretë rregullative 2023-2027

Humbjet e lejuara	Njësia	2023	2024	2025	2026	2027
Lejimi i humbjeve për OST	%	1.75	1.75	1.75	1.75	1.75
Caku i reduktimit të humbjeve	%	-	-	-	-	-
Faktori i ndarjes së humbjeve	%	50/50	0	0	0	0
Lejimi i humbjeve për OSSH	%	15.1	14.7	13.3	12.1	11.1
Caku i reduktimit të humbjeve	%	-	0.4	1.4	1.2	1.0
Faktori i ndarjes së humbjeve	%	50/50	0	0	0	0

3.4 Faktori i Efikasitetit

Faktori i efikasitetit paraqet pritshmëritë e ZRRE-së për përmirësimin e efikasitetit operativ të kompanive të rregulluara si rezultat i pasojë e përmirësimeve në proceset biznesore, ekonomitë e shkallës apo avancimet teknologjike.

Me qëllim të nxitjes së operimit më efikas të operatorëve, ZRRE ka vendosur faktor ndarës të kursimeve për shpenzimet operative dhe të mirëmbajtjes për kursimet që tejkalojnë faktorin efikasitetit. Këto kursime ndahen ndërmjet të licencuarit dhe konsumatorëve sipas faktorit 50/50.

Niveli i efikasitetit për operatorët e rregulluar është dhënë në tabelën në vijim.

Tabela 4 Faktori i efikasitetit për kompanitë e rregulluara

Vlerat Hyrëse- Faktori i Efikasitetit	Njësia	2023	2024	2025	2026	2027
OST/OT - KOSTT	%	1.5	1.5	1.5	1.5	1.5
OSSH - KEDS	%	1.5	1.5	1.5	1.5	1.5

4 Baza e Aseteve të Rregulluara (RAB) dhe Plani Investiv

Gjatë çdo shqyrtimi periodik, ZRRE shqyrton implementimin faktik të planit investiv të periudhës së kaluar rregullative (HLM2) dhe bashkërenditë Bazën e Aseteve të Rregulluara për të reflektuar ndryshimet në mes të investimeve të planifikuara dhe atyre të realizuara gjatë asaj periudhe. Pas vlerësimit të bazës së bashkërenditur të asetëve të rregulluara, ZRRE shqyrton planin e propozuar të investimeve për periudhën e ardhshme rregullative (HLM3) dhe analizon arsyeshmërinë teknike dhe financiare të tij. Analiza e ZRRE është e përmbledhur në këtë kapitull dhe është organizuar si vijon:

- Nën-kapitulli 4.1 ofron përmbledhje parimeve të bashkërenditjes së vlerës së RAB;



- Nën-kapitulli 4.2 ofron përmbledhje të RAB të periudhës së kaluar rregullative (PRR2), planit investiv dhe realizimit të investimeve nga OST/OT;
- Nën-kapitulli 4.3 përmbledhë RAB përfundimtar ekzistues deri në mbyllje të periudhës së kaluar rregullative (PRR2);
- Nën-kapitulli 4.4 shqyrton planin investiv të propozuar nga OST/OT për periudhën e ardhshme rregullative (PRR3) dhe qëndrimet e ZRRE-së mbi të; dhe,
- Nën-kapitulli 4.5 përmbledhë RAB përfundimtar për periudhën e ardhshme rregullative që përfshin bashkërenditjen e RAB ekzistues dhe investimet e aprovuara nga ZRRE.


4.1 Parimet e bashkërenditjes së vlerës së RAB

Ky nën-seksion i Raportit Konsultativ përmbledhë parimet bazë të bashkërenditjes së RAB. Ato janë:

- Baza e Rregulluar e Aseteve përditësohet gjatë çdo shqyrtimi periodik (çdo pesë vite) për të reflektuar ndryshimet në mes të planit të parashikuar dhe atij të realizuar të investimeve. RAB pesë-vjeçar modelohet për çdo vit duke filluar nga RAB hapës, duke shtuar investimet gjatë atij viti, dhe duke zbritur zhvlerësimin në asete. Grantet dhe donacionet nuk janë pjesë e RAB.
- Plani investiv i aprovuar gjatë shqyrtimit periodik nuk duhet të ndryshojë gjatë tërë periudhës rregullative. Në raste kur plani ndryshon atëherë operatorët e rregulluar janë të obliguar të ofrojnë dëshmi të nevojshme për ZRRE-në që plani alternativ ofron dobi ekuivalente ose më të mira për konsumatorët në krahasim me planin fillestar.
- Ndryshimet në mes të vlerave të parashikuara dhe të realizuara të planit investiv, që mund të ndodhin për arsye jashtë kontrollit të operatorit të rregulluar, bashkërenditen me interes.



Figura 3 Përditësimi i RAB gjatë çdo viti të periudhës rregullative



4.2 RAB fillestar në periudhën e kaluar rregullative (PRR2)

Vlera hapëse e RAB në fillim të periudhës së kaluar rregullative ishte € 223 milionë. Investimet e lejuara gjatë kësaj periudhe janë në vlerë € 63.1 milionë. RAB i lejuar në PRR2 është paraqitur si përmbledhje në tabelën në vijim:

Tabela 5 Përmbledhje e RAB në periudhën rregullative PRR2

€000s	----- PRR2 -----				
	2018	2019	2020	2021	2022
	Propozuar	Propozuar	Propozuar	Propozuar	Propozuar
RAB në hapje	222,749	224,145	229,885	226,095	230,058
Shtesat	11,476	16,478	7,355	15,552	1,071
Impairmenti/shlyerjet	-59	-59	-59	-59	-59
Zhvlerësimi	10,021	10,679	11,085	11,530	11,898
BARR në mbyllje	224,145	229,885	226,095	230,058	219,173

OST/OT ka raportuar dallime në mes të planit të parashikuar dhe atij të realizuar në PRR2. Ndryshimet ndërmjet investimeve të lejuara dhe atyre të realizuar janë të paraqitura në tabelën e mëposhtme:

Tabela 5 Ndryshimet në mes të investimeve të aprovuara dhe të realizuara në PRR2

Investimet kapitale	€000s
PRR2 aprovuara	63,072
PRR2 realizuara	32,163
Të shtuara në hapje të RAB për PRR2	32,163



4.3 Përditësimi i RAB për periudhën e kaluar rregullative (PRR2)

Ndryshimet në mes të vlerave të parashikuara dhe atyre të realizuara gjatë fazës së implementimit të investimeve gjatë periudhës së kaluar rregullative kanë rezultuar në ndryshim të vlerës së RAB për OST/OT. Ndikimi i këtyre ndryshimeve është përshtatje e MAR për €11.96 milionë (për më shumë detaje shih Shtojcën 1 të këtij Raporti).

RAB përfundimtar për periudhën e kaluar rregullative është dhënë në tabelën në vijim . Vlera mbyllëse e aseteve për PRR2 është € 207 milionë.

Dallimet kryesore ndërmjet RAB të lejuar dhe të përditësuar PRR 2 konsistojnë në:

- Indeksi i RAB për HICP
- Dallimet si rezultat i investimeve të realizuara krahas atyre të lejuara
- Azhurnimi i kostove të zhvlerësimit që reflekton RAB të përditësuar dhe investimet aktuale

RAB përfundimtar për OST/OT për periudhën e dytë rregullative është paraqitur në tabelën e mëposhtme:

Tabela 6 RAB përfundimtar për periudhën e dytë rregullative

€000s	PRR2				
	2018	2019	2020	2021	2022
	Propozuar	Propozuar	Propozuar	Propozuar	Propozuar
RAB në hapje	223,863	217,434	208,883	209,818	217,251
Shtesat	2,503	22,430	3,098	4,054	78
Zhvlerësimi	8,986	9,093	9,057	9,383	10,129
RAB në mbyllje	217,380	230,771	202,925	204,489	207,200

4.4 Plani investiv për periudhën e ardhshme rregullative (PRR3)

Në vlerësimin e projekteve kapitale që duhet të përfshihen në periudhën rregullative 2023-2027, ZRRE dhe OST/OT kanë pasur konsultime të vazhdueshme ashtu që të adresohen në mënyrë të duhur nevojat për investime. Tutje, ZRRE në vlerësimin e projekteve kapitale për PRR 3 ka marrë në konsideratë shkaktarët e investimeve, studime dhe analiza relevante që dëshmojnë nevojat dhe masin përfitimet, kostot për njësi për kategori të projekteve si dhe përvojat në implementimin e projekteve gjatë dy periudhave rregullative.

Një vështrim i përgjithshëm i vlerësimit të projekteve kapitale për PRR3 është i shtjelluar në vijim:

ZRRE ka kërkuar informata nga OST/OT për kosto për njësi për kategori të ndryshme të projekteve të implementuara, dhe pas shqyrtimit të bërë të kostove mesatare për njësi të OST/OT-së për artikujt kryesor të investimeve kundrejt operatorëve rajonal për të vlerësuar arsyeshmërinë e kostove. Ky



shqyrtim ka arritur në përfundim që kostot e propozuara të OST/OT-së janë brenda kufijve të pranueshëm.

Për projektet LOT 1 - NS 110/10(20) kV-Dragashi me transformatorë 1x40MVA dhe linjat transmetuese është rishikuar vlera e investimit nga ZRRE. Në kuadër të këtij projekti, Linja e re e njëfishtë 110kV në mes të Zhurit dhe Kukësit (kufiri me Shqipërinë) propozohet të shtyhet për periudhën e ardhshme rregullative. Ky projekt në bazë të Rregullës për Vlerësimin e Investimeve është ranguar më ulët në raport me projektet tjera investive.

Poashtu projektet e LOT2 Rehabilitimi i NS dhe furnizimi me transformatorë të fuqisë 40MVA me shërbime konsulente me burim të financimit nga KfW/ OST/OT, janë ranguar më ulët në raport me projektet tjera investive, andaj dhe janë shtyrë për periudhën e ardhshme rregullative.

Gjithashtu bazuar në Rregullën për Vlerësimin e projekteve Kapitali, projekti “Ri-vitalizimi i pajisjeve të TL 110kV në NS Vushtrri 1” propozojmë të shtyhet për periudhën e ardhshme rregullative.

Investimet kapitale të OST/OT dhe plani i komisionimit të tyre është dhënë në tabelën në vijim:

Tabela 7 Plani investiv i propozuar nga KEDS dhe ZRRE për PRR3

Nr.	Klasifikimi i projekteve sipas kategorive të aseteve	Propozim i OST/OT mil€	Propozim i ZRRE mil€
I	Ndërtesat, rrugët, rrjetet e kanalizimeve, furnizimi me ujë, puset, ashensorët	18.3	11.2
II	Rrjeti i TL, shtyllat	21.2	3.7
III	Rrjeti i tensionit të ulët, nënstacionet, transformatorët, etj.	30.5	17.7
IV	Kamionet, korpa dhe makineri për punë	0.45	0.45
V	Kontrolli dhe Telekomunikimi, pajisje të ndryshme, mbrojtja nga zjarri	28.9	18.0
VI	Mobilet, pajisjet për zyrë	0.0	0.05
VII	Pajisjet e TI, softuerë, patente, licenca, vetura, etj.etj.	4.9	4.7
Gjithsej		104.4	55.9

Investimet kapitale të OST/OT dhe plani i komisionimit të tyre gjatë PRR 3 është dhënë në tabelën në vijim:



Tabela 8 Planet investive dhe komisionimi i tyre PRR3¹

€000s	Totali	PRR3				
		2023	2024	2025	2026	2027
		Propozuar	Propozuar	Propozuar	Propozuar	Propozuar
Të dorëzuara nga OST/OT						
Shpenzimet kapitale	104.4	14.3	9.3	10.9	50.3	19.5
Propozimet e ZRRE-së						
Shpenzimet kapitale	55.9	13.9	9.3	6.7	23.7	2.3

4.5 RAB përfundimtar për periudhën e ardhshme rregullative

Gjatë periudhës së ardhshme rregullative pesë vjeçare parashihen të investohen gjithsejtë € 55.9 milionë. Këto investime dhe vlera e RAB përfundimtar për OST/OT për periudhën e ardhshme rregullative janë përmbledhur në tabelën në vijim:

Tabela 9 RAB përfundimtar për periudhën e ardhshme rregullative

€000s	PRR3				
	2023	2024	2025	2026	2027
	Propozuar	Propozuar	Propozuar	Propozuar	Propozuar
BARR në hapje	237,575	239,091	235,212	228,361	237,796
Investimet (Shtesat)	13,943	9,259	6,655	23,385	2,343
Zhvlerësimi	12,427	13,139	13,506	13,951	14,445
RAB në mbyllje	239,091	235,212	228,361	237,796	225,694

5 Shpenzimet Operative dhe të Mirëmbajtjes

Shpenzimet Operative dhe të Mirëmbajtjes (Opex) të OST/OT përbëhen nga kostot për riparime dhe mirëmbajtje dhe kostot e tjera operative.

Vlera e Shpenzimeve Operative dhe të mirëmbajtjes së OST/OT është caktuar si vijon:

- Vlera bazë e Opex-it për vitin e parë të periudhës së ardhshme rregullative (PRR3) merr parasysh vlerën mbyllëse të Opex-it në vitin e fundit të periudhës së kaluar rregullative dhe e përshtatë këtë për të reflektuar ndryshimet në kosto që vijnë për arsye jashtë kontrollit të OST/OT apo si rezultat i obligimeve shtesë të saj për përmbushje të detyrimeve ligjore.
- Vlera bazë e OPEX-it është indeksuar për normën e inflacionit për vitin 2022 për 8.4%.

¹ Propozimi i ZRRE-së përfshinë edhe projektet në proces.



- Vlerës bazë së përshtatur i aplikohet faktori i efikasitetit prej 1.5% i vendosur si parametër rregullativ që reflekton pritshmëritë e përmirësimit të efikasitetit për periudhën e ardhshme rregullative.
- Kostot për linjën “Riparimet dhe Mirëmbajtja” janë vlerësuar si linjë e ndarë e OPEX-it. Bazë për vlerësimin e këtyre kostove është marrë niveli mesatar i realizuar në vitet 2018-2022.
- Linja e OPEX-it “Shpenzimet tjera operative” është kalkuluar si diferencë e OPEX-it total nga linja e “Riparimet dhe Mirëmbajtja” dhe “Sigurimet”.
- Shpenzimet operative të vlerësuara për vitin 2023 pastaj parashikohen për pjesën e mbetur të periudhës PRR3 duke u përshtatur për përmirësimet e pritshme nga efikasiteti vjetor.

Përshtatjet e OPEX për PRR 3 OSSH janë përmbledhur më poshtë:

- Opex-i pa-kontrollueshëm është përcaktuar duke u bazuar në kostot e sigurimit të aseteve dhe sigurimit shëndetësor në vitin 2022 i rekomanduar si vit i rekomanduar bazë.
- Kostot për linjën “Anëtarësimi në organizata ndërkombetare” të njohura gjatë PRR 2 janë hequr në PRR 3 bazuar në informatat e OST/OT pasi ato nuk janë realizuar në Opex-in gjatë PRR 2.
- Ndaj Opex të kontrollueshëm aplikohet faktori i efikasitetit prej 1.5%

Opex i OST/OT për periudhën e ardhshme rregullative është përmbledhur në tabelën në vijim:

Tabela 10 Opex për periudhën e ardhshme rregullative

€000s	PRR3				
	2023	2024	2025	2026	2027
	Propozuar	Propozuar	Propozuar	Propozuar	Propozuar
Të propozuara nga OST/OT					
Riparimet dhe Mirëmbajtja	1,024	1,188	1,061	1,145	1,151
Shpenzimet tjera operative	9,043	9,840	10,465	10,925	11,912
Opex i pakontrollueshëm Sigurimi shëndetësor	129	137	142	169	172
Gjithsejtë OPEX	10,302	11,271	11,775	12,345	13,342
Propozimet e ZRRE-së					
Riparimet dhe Mirëmbajtja	690	679	669	659	649
Shpenzimet tjera operative	7,075	6,969	6,865	6,762	6,660
OPEX- i pakontrollueshëm (Sig. shëndetësor) ²	123	123	123	123	123
Gjithsejtë propozuar ZRRE	7,888	7,771	7,657	7,544	7,432

² Këto kosto do të agjustohen në baza aktuale varësisht nivelit të realizuar.



6 Humbjet, Shërbimet Ndhmëse dhe të Hyrat e Parregulluara

Të Hyrat e Lejuara Maksimale të OST/OT duhet të jenë të mjaftueshme për të mbuluar kostot e një niveli të arsyeshëm të humbjeve në rrjet. Niveli që ZRRE e konsideron të arsyeshëm është aprovuar gjatë përcaktimit të parametrave rregullativ (1.75% në vit). Kostot e humbjeve do të përshtaten gjatë çdo viti rregullativ për të reflektuar:

- Ndryshimin në mes të vëllimeve të parashikuara dhe të realizuara të energjisë;
- Ndryshimin në mes të çmimit të parashikuar dhe të realizuar të energjisë; dhe,
- Ndryshimin në mes të nivelit të lejuar dhe të realizuar të humbjeve.

6.1 Kostoja e humbjeve të energjisë

Kostoja e humbjeve të energjisë është rezultat i prodhimit në mes të vëllimit të humbjeve, që buron nga balanca e energjisë, dhe koston mesatarë të blerjes së energjisë së humbjeve (WAPPC).

Në të kaluarën, WAPPC është caktuar si mesatare e ponderuar e kostove të blerjes së energjisë nga kapacitetet vendore dhe koston së parashikuar të blerjes së energjisë nga importi. Dy vitet e kaluara janë karakterizuar me ngritje të paprecedentë të çmimeve të energjisë elektrike dhe me luhatjet të ndjeshme të çmimeve në bursat e energjisë elektrike. Kjo ka bërë që pragu i materialitetit i parashikuar në vlerë 5% të cenohet për shkak të luhatjeve të koston së blerjes së humbjeve në rrjet.

Duke qenë se kostot e humbjeve nuk janë parametër fiks gjatë periudhës rregullative por janë subjekt i përshtatjeve të rregullta vjetore, në tabelën e më poshtme është paraqitur propozimi i koston të humbjeve vetëm për vitin 2023.

Një përmbledhje e kostove të humbjeve të energjisë është dhënë në tabelën në vijim:

Tabela 11 Kostot e Humbjeve për vitin e parë rregullativ të PRR3

€000s	Njësia	2023 Propozuar OST/OT	2023 Propozuar ZRRE
Të propozuara			
Energjia që hyn në transmetim	GWh	7,357	7,308
Lejimi i humbjes	%	1.75%	1.75%
Humbjet	GWh	129	128
Çmimi i blerjes	€/MWh	105.3	115.8
Kostot totale	€000s	13,594	14,040

6.2 Kosto e shërbimeve ndihmëse

Kostot e shërbimeve ndihmëse mbulojnë kostot e resurseve të cilat duhet të kontraktohen qëllim të balancimit të sistemit nga operatori i sistemit. Kostot e shërbimeve ndihmëse përshtaten në çdo vit



për të reflektuar devijimet në mes të vlerave të parashikuara dhe atyre të realizuara. ZRRE në parashikimin e këtyre kostove për vitin 2023, ka marr parasysh realizimet nga dy vitet paraprake.

Parashikimi i OST/OT, që njëkohësisht paraqet edhe vlerën e propozuar nga ZRRE, është dhënë në tabelën në vijim:

Tabela 123 Kostot e Shërbimeve ndihmëse për vitin e parë rregullativ të PRR3

Shërbimet ndihmëse	Njësia€	2023	2023
		OST/OT	ZRRE
Propozimet	000	13,000	8,638

6.3 Të hyrat e parregulluara

Të hyrat e parregulluara janë të hyra që OST/OT i përfiton nga përdorimi i aseteve të rregulluara dhe që zbriten nga të Hyrat e Lejuara Maksimale. Ndërsa kostot për kryerjen e ndonjë shërbimi (duke përfshirë këtu të hyrat nga alokimi i kapaciteteve, të hyrat nga transiti dhe të hyrat tjera operative janë të hyra që zbriten në PRR3.

Duke qenë se OPEX-i i parashikuar mundëson mbulimin e të gjitha kostove, ZRRE-ja, me qëllim që të shmanget numërimi i dyfishtë i zbrit këto të hyra dhe kostot nga MAR-i përfundimtar.

Vlerësimi i këtyre të hyrave të parregulluara nuk është bërë nga OST/OT për PRR3. ZRRE propozojë që vlerën prej 8.31 milion euro për PRR3 dhe pret nga OST/OT propozime për të hyrat e parregulluara. Këto të hyra përshtaten gjatë përshtatjeve të rregullta vjetore.

7 Përshtatja vjetore të kostove dhe të hyrave

Siç sqarohet në kapitullin 2 të këtij Raporti, të hyrat e lejuara maksimale të lejuara të operatorëve bashkërendohen në mes të viteve rregullative për të reflektuar ndryshimet në vlerat e parashikuara dhe atyre të realizuara të disa komponentëve të kostove. Ky kapitull paraqet llogaritjet e ZRRE-së për përshtatjen vjetore të MAR të OST/OT dhe është organizuar si vijon:

- Nën-kapitulli 7.1 paraqet indeksimin e kostove me inflacion;
- Nën-kapitulli 7.2 adreson përshtatjet e kostove të humbjeve;
- Nën-kapitulli 7.3 adreson përshtatjet e të hyrave të parregulluara;
- Nën-kapitulli 7.4 adreson shërbimet ndihmëse;
- Nën-kapitulli 7.5 adreson përshtatjet e kostove të OPEX-it;
- Nën-kapitulli 7. adreson përshtatjet për KREV.



7.1 Indeksimi me normën e inflacionit

Sipas metodologjisë tarifore, disa komponentë të kostove të OST/OT duhet të indeksohen në çdo vit për të reflektuar normën vjetore të inflacionit. Norma e inflacionit merr parasysh Indeksin e Harmonizuar të Çmimeve të Konsumit të publikuar nga Eurostat. Vlera e publikuar në janar të vitit 2023 për vitin 2022 është 8.39%.

Kostot e ndikuara nga indeksimi në inflacion janë ofruar në tabelën në vijim:

Tabela 14 Indeksimi i kostove me HICP

Linja	Njësia	Lejuar	HICP	Kostot e përshtatura
OPEX-i	mil€	7.35	8.39%	0.62
Zhvlerësimi	mil€	12.67	8.39%	1.06
Kthimit	mil€	11.63	8.39%	0.98
Përshtatjet	mil€	31.65	8.39%	2.65

7.2 Përshtatja e kostove të humbjeve

Kostot e blerjes së energjisë duhet të përshtaten çdo vit për të reflektuar ndryshimet në vlerat hyrëse të parashikuara dhe atyre të realizuara. Ndryshimet kryesore burojnë nga ndryshimet në çmimet e realizuara të blerjes së energjisë dhe vëllimet e realizuara të rrjedhës së energjisë në rrjet. Ndryshimet në koston e blerjes së energjisë rimbursohen me interes në mes të OST/OT dhe konsumatorëve.

Përshtatja e kostove të humbjeve është përmbledhur në vijim.

Tabela 135 Përshtatja e kostove të humbjeve

Humbjet OST/OT	Njësia	2022 E lejuar	2022 E realizuar	Diferenca
LSSAt	%	1.78	1.78	
REUEt	GWh	7,376	7,021	
WHEAt	€/MWh	111.6	113.19	
It	%		8.51%	
Vlera e humbjeve	mil€	13.9	13.4	-0.56

7.3 Të hyrat e parregulluara

Të hyrat nga burimet e parregulluara përshtaten gjatë çdo viti rregullativ për të reflektuar ndryshimet në mes të vlerave të parashikuara dhe atyre të realizuara të tyre.

Vlera e të hyrave nga shërbimet e përjashtuara pas aplikimit të normës së interesit rezulton të jetë - 9.9 milion euro (alokimi i kapaciteteve, ITC dhe të hyrat tjera), andaj kjo vlerë do tu kthehet konsumatorëve përmes aplikimit të tarifave në PRR3.



7.4 Shërbimet ndihmëse

Kostot e shërbimeve ndihmëse përshtaten çdo vit për të reflektuar ndryshimet në mes të vlerës së parashikuar dhe asaj të realizuar të kostos së këtyre shërbimeve.

Llogaritja e përshtatjes vjetore është dhënë në tabelën në vijim:

Tabela 146 Përshtatja e kostove të Shërbimeve ndihmëse

Shërbimet ndihmëse OST/OT	Njësia	2022 E lejuar	2022 E realizuar	Diferenca
Shërbimet ndihmëse	mil€	6.99	9.89	2.89

7.5 Kostot e Anëtarësimit në Organizata ndërkombëtare dhe OPEX për Vallaq

ZRRE kishte lejuar OPEX në PRR2 për OST/OT, në ngritjen e kapaciteteve profesionale për përmbushjen e obligimeve që do të dalin me anëtarësimet në organizata relevante ndërkombëtare. Gjatë PRR2 janë lejuar për vit rreth 0.3 mil € e cila nuk është realizuar. Andaj ZRRE ka zbritur këto kosto përmes përshtatjeve në vlerë prej -2.05 milionë pas aplikimit të normës së interesit për këtë periudhë.

Në lidhje me kostot shtesë për operimin e NS Vallaq, OST/OT gjatë PRR3 i janë lejuar 76 mijë € për vit të nevojshme për të mbuluar shpenzimet e stafit për 7 punëtorë. ZRRE ka zbritur këto kosto të stafit për vitet 2021, 2022 dhe janë përshtatur -0.18 milion euro pas aplikimit të normës së interesit për këtë periudhë.

7.6 Faktori korigjues i të hyrave KREV

KREV paraqet përshtatjen vjetore të të Hyrave të Lejuara Maksimale për të reflektuar ndryshimin në mes të të hyrave të parashikuara dhe atyre të realizuara që ndodhin si pasojë e ndryshimeve në rrjedhat e energjisë. Kjo përshtatje e të hyrave bëhet në vlerë konstante gjatë PRR3.

Përshtatja për vitin rregullativ është dhënë në tabelën në vijim:

Tabela 157 Përshtatja për KREV

Faktori korigjues i të hyrave - KREV	Njësia	Vlera
AAC_{at-1} Kostot e lejuara aktuale për vitin relevant t-1	mil€	23.38
ARR_{t-1} Të hyrat e realizuara në vitin relevant t-1	mil€	34.72
I_t Norma e interesit	%	8.5
$KREV = (AAC_{at-1} - ARR_{t-1}) * (1 + I_t)$	mil€	12.91



8 Të Hyrat e Lejuara Maksimale (HLM) duke përfshirë përshtatjet rregullative

Ky kapitull i raportit konsultativ paraqet propozimin e ZRRE-së për të Hyrat e Lejuara Maksimale të sipas entiteteve të OST/OT (Operatori i Sistemit të Transmetimit (OST), Operatori i Sistemit dhe Operatori i Tregut) për periudhën rregullative 2023-2027.

Bazuar në kostot operative dhe kapitale të vlerësuara më lartë, në vijim është dhënë propozimi për HLM të KOSTT (përfshirë OST/OT). Për qëllime të përcaktimit të tarifave të transmetimit, këto kosto duhet të ndahen në mes të tri funksioneve të KOSTT-it: në ato të Operatorit të Sistemit të Transmetimit (OST), Operatorit të Sistemit (OS) dhe Operatorit të Tregut (OT). Baza për këtë ndarje është si në vijim:

- Asetet ekzistuese si fillim i PRR2 janë alokuar në mes të tri funksioneve. RAB e PRR2 rezultuese në hapje është vazhduar tutje duke përdorur shpenzimet e lejuara kapitale sipas funksionit gjatë PRR1 (të përshtatura siç është diskutuar më lartë) dhe zhvlerësimi i llogaritur për të dhënë RAB në hapje në PRR2 sipas funksionit.
- Shpenzimet kapitale gjatë PRR2 janë alokuar sipas funksionit bazuar në natyrën e projekteve në fjalë. Kthimi i lejuar dhe zhvlerësimi sipas funksioneve për PRR2 është llogaritur duke përdorur RAB që ka rezultuar. WACC-u i njëjtë është aplikuar për të gjitha funksionet.
- Opex bazë është alokuar në mes të funksioneve duke përdorur faktorët e ndarjes (alokimit) të ofruar nga OST/OT.
- Kostot e humbjeve dhe shërbimet ndihmëse janë alokuar tek funksioni i OST-së, i cili e ka përgjegjësinë për blerjen e shërbimeve të sistemit.
- Të hyrat jo-tarifore janë alokuar tek OST si operator i aseteve që përdoren për të siguruar shërbimet e transitit dhe shërbime tjera të palëve të treta³.
- Kostot e Fondit për burimet e ripërtitshme që menaxhohen nga Operatori i Tregut do të trajtohen gjatë përshtatjeve të rregullta vjetore.

Të Hyrat e Lejuara Maksimale do të llogariten në bazë të formulës së dhënë në Rregullin e Çmimeve:

$$MAR_t = OPMC_t + DEPC_t + RTNC_t + ASVC_t + LSSC_t + LICC_t - ITCR - NTFR_t + KREV_t$$

Ku:

MAR_t - Të Hyrat e Lejuara Maksimale në vitin t

$OPMC_t$ - Kostot operative dhe të mirëmbajtjes në vitin t

$DEPC_t$ - Kostot e zhvlerësimit në vitin t

³ Në rast se të hyrat nga mekanizmi kompensues i ENTSO-E më pas përfshihen në llogaritjet e HLM, atëherë këto do t'i alokohet funksionit të OST-së.



$RTNC_t$ - Kostot e kthimit të lejuar në vitin t

$ASVC_t$ - Kostot e shërbimeve ndihmëse në vitin t

$LSSC_t$ - Kostot e humbjeve në vitin t

$LICC_t$ - Kostot e licencimit në vitin t

$ITCR_t$ - Kostot e ITCR në vitin t

$NTFR_t$ - të Hyrat e parregullura në vitin t

$KREV_t$ - Ndryshimin e KREV në vitin t

Llogaritjet e ZRRE janë të detajuara sipas entiteteve të KOSTT-it në dhënë në nën- kapitullin 8.1.

8.1 Përmbledhje e HLM sipas entiteteve

Tabela 168 Përmbledhje e HLM sipas entiteteve të KOSTT-it

Propozimi i ZRRE-së për HLM €000s	PRR3				
	2023	2024	2025	2026	2027
	Propozuar	Propozuar	Propozuar	Propozuar	Propozuar
Operatori i Sistemit të Transmetimit (OST)					
Baza Opex	5,915	5,828	5,742	5,658	5,574
Zhvlerësimi	11,047	11,299	11,553	12,460	12,953
Kthimi i Lejuar	9,297	9,385	9,354	9,113	10,264
Të hyrat jo-tarifore- alokimi i kapaciteteve	-8,310	-8,310	-8,310	-8,310	-8,310
ITC	-1.363	-1.363	-1.363	-1.363	-1.363
Përshtatjet Capex- PRR2	-1,963	-1,963	-1,963	-1,963	-1,963
Përshtatjet PRR2 dhe vitit 2022	-2,077	-2,077	-2,077	-2,077	-2,077
Totali	12,547	12,799	12,936	14,630	15,383
Operatori i Sistemit (OS)					
Baza Opex	1,716	1,691	1,666	1,641	1,616
Kosto e Humbjeve	13,492	13,492	13,492	13,492	13,492
Kostot e Shërbimeve Ndhmëse	8,638	8,638	8,638	8,638	8,638
Zhvlerësimi	1,847	2,301	2,168	1,290	1,571
Kthimi i Lejuar	515	726	774	765	769
Të hyrat jo-tarifore	-	-	-	-	-
Përshtatjet CAPEX PRR2	-425	-425	-425	-425	-425
Përshtatjet PRR2 dhe vitit 2022	- 946	- 946	-946	-946	-946
Totali	25,385	25,478	25,367	24,456	24,715
Operatori i Tregut (OT)					
Baza Opex	256	252	249	245	241
Kostot e Shërbimeve Ndhmëse	-	-	-	-	-



Propozimi i ZRRE-së për HLM €000s	PRR3				
	2023	2024	2025	2026	2027
	Propozuar	Propozuar	Propozuar	Propozuar	Propozuar
Zhvlerësimi	0.0	0.0	0.0	27.9	55.9
Kthimi i Lejuar	62.0	45.3	28.5	21.7	19.6
Fondi i burimeve të ripërtitshme ⁴	20,928	20,928	20,928	20,928	20,928
Përshtatjet për PRR2	-5.2	-5.2	-5.2	-5.2	-5.2
Përshtatjet PRR2 dhe vitit 2022	- 6.0	-6.0	-6.0	-6.0	-6.0
Totali	21,235	21,214	21,194	21,211	21,234
HLM KOSTT	59,168	59,490	59,497	59,984	61,027

⁴ Këto kosto do të përshtaten në baza vjetore dhe janë neutral ndaj tarifave të rrjetit të OST dhe OSSh-së



Shtojca 1: Përshtatjet për investimet kapitale në PRR2

Ekzistojnë një numër projektsh kapitale të cilat ishin përfshirë në planin e aprovuar të investimeve për PRR2 por të cilat nuk janë realizuar. Në këto raste, ZRRE-ja aplikon përshtatjen e 'rikthimit' të zhvlerësimit të lejuar dhe kthimit të lejuar që lidhet me këto projekte të cilat kanë qenë të përfshira në HLM të PRR2. Konsumatorët do të kompensohen për këto përshtatje gjatë PRR3. Kjo e pengon OST/OT-në që të përfitoj nga propozimi i projekteve të investimeve ku kostot e tyre janë të përfshira në HLM por të cilat në të vërtetë nuk i ka implementuar. Ashtu si në përshtatjet tjera, kalkulimet janë bërë duke marr parasysh vlerën kohore të parasë.

Vlera e përshtatjeve të zhvlerësimit dhe kthimit të lejuar për PRR2 është -11.96 milion euro. Detajet e kalkulimeve janë dhënë në vijmë:

Tabela 19 Përshtatja për investimet kapitale PRR2

Aktuale	Njësia	2018	2019	2020	2021	2022	Total
Zhvlerësimi	mil€	0.06	0.66	1.34	1.74	1.75	5.55
Kthimi	mil€	8.14	8.77	9.38	9.19	8.86	44.34
Lejuar		2018	2019	2020	2021	2022	Total
Zhvlerësimi	mil€	0.35	1.28	2.11	2.76	3.42	9.92
Kthimi	mil€	8.50	9.40	10.11	10.72	11.01	49.74
Diferenca							Total
Zhvlerësimi	mil€	-0.29	-0.62	-0.77	-0.102	-1.66	(12.82)
Kthimi	mil€	-0.36	-0.63	-0.73	-1.53	-2.15	(10.60)
HICP - PRR2			1.73%	1.19%	0.26%	8.39%	
It		7.49%	7.38%	7.30%	7.12%	8.51%	
Total përshtatja	mil€	(0.94)	(1.70)	(1.90)	(2.94)	(4.48)	(11.96)
Mesatare ne vite	mil€	(2.39)	(2.39)	(2.39)	(2.39)	(2.39)	(11.96)